

KEJOHANAN HOKI PIALA NAIB CANSELOR UniMAP

Kejohanan Hoki Piala Naib Canselor UniMAP atau dikenali sebagai UniMAP VC Cup adalah kejohanan edisi pertama anjuran Kelab Hoki UniMAP dengan kerjasama Persatuan Hoki Negeri Perlis. Kejohanan ini disertai oleh pasukan Hoki Kakitangan UniMAP dan juga mahasiswa UniMAP serta beberapa pasukan jemputan sekitar negeri Perlis. Antara pasukan jemputan pada edisi kali ini ialah Universiti Teknologi Malaysia (UiTM) Arau, Majlis Sukan Sekolah-Sekolah Perlis (MSSPs) bawah 16 dan 18 tahun serta MATRI Perlis. Kejohanan ini bermula pada 5 - 24 Mac yang bertempat di Astroturf Hoki Kangar, Perlis.

<i>Kedudukan</i>	<i>Pasukan</i>
Johan	UniMAP Staf
Naib Johan	MSSPs Bwh 18 thn
Ke 3	Matri Perlis
Ke 4	UniMAP Mahasiswa
Ke 5	MSSPs Bwh 16 thn
Ke 5	UitM

Objektif kejohanan ini adalah untuk mengenengahkan sukan hoki di negeri Perlis yang mana pada 2012, Perlis akan menjadi tuan rumah SUKMA. Kejohanan ini juga mencari bakat-bakat baru untuk mewakili negeri Perlis. Penganjuran kali ini juga adalah dianggap sebagai platform kepada Kelab Hoki UniMAP untuk bekerjasama dan berganding bahu dengan Persatuan Hoki Perlis serta pasukan lain dalam mengendalikan sesuatu kejohanan dengan baik. Menurut Presiden Kelab Hoki UniMAP, En Hirwan Jasbir Jaafar yang juga Ketua Pasukan Hoki Staf UniMAP, kejohanan ini adalah dianggap sebagai perlawanan pemanas badan untuk pasukan kakitangan dan juga mahasiswa sebagai persiapan untuk menyertai kejohanan yang lebih besar seperti sukan MASUM, Sukan Staf dan Liga Hoki Malaysia. Pada perlawanan akhir pasukan Staf UniMAP telah bertemu dengan pasukan MSSPs Bawah 18 tahun dengan kemenangan menyebelahi pasukan Staf UniMAP dengan jaringan 5-1. Perlawanan akhir ini juga turut dihadiri oleh Y.Bhg Brig. Jen. Dato Prof. Dr. Kamarudin Hussin, Naib Canselor UniMAP yang turut menyampaikan hadiah kepada para pemenang. Tempat ke-3 dimenangi oleh MATRI Perlis setelah menumpaskan pasukan Hoki Pelajar UniMAP dengan jaringan 4-0. Berikut adalah senarai penuh keputusan UniMAP VC Cup Edisi 1, 2009 ini.